

व्या॒नः स॒न्धत्तं त॒न्मे जि॒न्वतं । चक्षुः स॒न्धत्तं त॒न्मे जि॒न्वतं । श्रोत्रः स॒न्धत्तं त॒न्मे जि॒न्वतं । मनः स॒न्धत्तं त॒न्मे जि॒न्वतं । वाचः स॒न्धत्तं तां मे जि॒न्वतं । आयुःस्थ आयु॑र्मे धत्तं । आयु॑र्यज्ञाय धत्तं । आयु॑र्यज्ञप॑तये धत्तं । प्रा॒णःस्थः प्रा॒णं मे धत्तं । प्रा॒णं य॒ज्ञाय धत्तं ॥ ३ ॥

प्रा॒णं य॒ज्ञप॑तये धत्तं । चक्षुःस्थश्चक्षु॑र्मे धत्तं । चक्षु॑र्य॒ज्ञाय धत्तं । चक्षु॑र्यज्ञप॑तये धत्तं । श्रोत्रः स्थः श्रोत्रं मे धत्तं । श्रोत्रं य॒ज्ञाय धत्तं । श्रोत्रं य॒ज्ञप॑तये धत्तं । तौ दे॒वौ शुक्रा॑म॒न्यिनौ । क॒ल्पय॑तं दै॒वीर्विशः । क॒ल्पय॑तं मा॒नुषीः ॥ ४ ॥

इष॑मूर्ज॑म॒स्मासु॑ धत्तं । प्रा॒णान् प॒शुषु॑ । पू॒जां मयि॑ च य॒जमाने॑ च । निर॑स्तः श॒ण्डः । निर॑स्तो म॒र्कः । अप॑नु॒त्तौ श॒ण्डा॒मर्का॑ स॒हामु॑ना । शुक्र॑स्य स॒मिद॑सि । म॒न्यिनः॑ स॒मिद॑सि । स प्र॑थ॒मः सङ्कृ॑तिर्वि॒श्वकर्मा॑ । स प्र॑थ॒मो मि॒त्रो वरु॑णो अ॒ग्निः । स प्र॑थ॒मो बृ॒हस्प॑तिश्चि॒कित्वा॑न् । तस्मा॑ इन्द्रा॒य सु॒तमा॑जु॒होमि ॥ ५ ॥

न॒यन्त्व॒पानः स॒न्धत्तं त॒न्मे जि॒न्वतं प्रा॒णं य॒ज्ञाय धत्तं मा॒नुषी॑र॒ग्निर्दे॒व च । इ॒षादि॑प॒ञ्चके॑ वाचं ता॒म्मे प॒शून् स॒न्धत्तं ता॒न्मे प्रा॒णादि॑चित॑तये त॒न्मे अ॒न्यत्र॒ तन्मे ॥ अनु० १ ॥